

From: UUM CORPORATE COMM.
Sent: Monday, September 2, 2019 9:34 AM
To: UUM - All Staff; UUM - All Students
Subject: Research Coaching Program Tingkat Pengetahuan Penyelidik Dalam Pemerolehan Geran



UUM Corporate Comm.
Universiti Utara Malaysia

02 SEPTEMBER 2019 / 02 MUHARAM 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Shamsaimi Ezil

RESEARCH COACHING PROGRAM TINGKAT PENGETAHUAN PENYELIDIK DALAM PEMEROLEHAN GERAN



UUM ONLINE: Bagi meningkatkan pengetahuan penyelidik dalam pemerolehan geran penyelidikan, Pusat Pengurusan Penyelidikan dan Inovasi (RIMC) dengan kerjasama Pusat Pengajian Perakaunan Tunku Puteri Intan Safinaz (TISSA-UUM) telah menganjurkan Research Coaching Program di Dewan Seminar B, Pusat Konvensyen.

Program dikendalikan oleh sarjana terkenal dari Australia, Prof. Emeritus Keith A. Houghton dan telah dirasmikan oleh Timbalan Naib Canselor (Penyelidikan & Inovasi), Prof. Dr. Ayoib Che Ahmad.

Prof. Ayoib dalam ucapan perasmian berkata berdasarkan data MyRA (Malaysia Research Assessment), telah dikenalpasti bahawa Ketua Penyelidik/*Principal Investigator (PI)* bagi UUM telah menurun sejak beberapa tahun ini justeru adalah penting bagi universiti mempelajari

strategi bagaimana untuk mendapatkan geran luar seperti geran industri dan geran antarabangsa.

"Pada hari ini, kita bertuah kerana Prof. Keith ada bersama-sama untuk memberi pencerahan kepada kita semua dengan kepakaran dan ilmu pengetahuan beliau dalam bidang Penyelidikan, Penerbitan dan Penyeliaan.

"Bidang-bidang ini yang saling berkait adalah penting kepada universiti khususnya untuk meningkatkan lagi keterlihatan (*visibility*) dan kedudukan di peringkat antarabangsa," ujarinya.

Menurutnya matlamat keseluruhan penganjuran program tersebut adalah untuk meningkatkan pengetahuan penyelidik tentang cara-cara memperoleh geran dan kemahiran yang diperlukan untuk menjadi penyelidik yang hebat.

Program disertai seramai 101 penyelidik termasuk dari luar UUM.

Perkongsian pengalaman dan kepakaran oleh Prof. Keith dalam program dua hari itu dibahagikan kepada empat topik iaitu *Dealing with Journal Reviewers and Editors – How to Add 'Punch' to your Research and Get Published?*; *Supervising PhD Students - What You Need to Get Successful and Timely Completions – A Case-Study Approach*; *Research Ethics – Case Studies on What Can We Learn From Mistakes of Others* dan *Research and International Collaborations – Being Involved in Industry/International Engaged Research*.

Prof. Keith merupakan Pegawai Utama dan Ketua Strategis Akademik di Research Coaching Australia (RCA) dan Profesor Emeritus di Australian National University (ANU).

Hadir sama Timbalan Pengarah (Penyelidikan) RIMC, Prof. Madya Dr. Rozita Arshad mewakili Pengarah RIMC; dan Dekan TISSA-UUM, Prof. Madya Dr. Rose Shamsiah Samsudin.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.